

血證論

卷六

血證論卷六

四川彭縣容川唐宗海著

癆瘵

癆瘵之證。咯血痰嗽。遺精瀉泄。潮熱盜汗。瘦削疲倦。夢與鬼交。或夢亡先喜。見人過常。懷忿怨。平旦病減。午後病增。發熱心煩。口燥鼻乾。臉紅唇赤。骨蒸肺痿。咽痛失音。若瀉不止。則不治矣。其原得於酒色傷損。以及失血之後。瘀血鬱熱。化生癆蟲。蝕人臟腑之精血。變生諸般怪證。病人死後。蟲氣傳染家人。名曰傳尸。又名尸症。謂其自上注下。見證與前死之人相似故也。辨蟲之法。或腹中有塊。或腦後兩邊有小結核。或用乳香薰手背。以

帛覆手心。良久手上出毛長寸許。白黃者可治。紅者稍難。青黑者死。若薰手無毛。非癆蟲證也。又或用真安息香。燒烟吸之。不嗽者非傳尸。烟入卽嗽。眞傳尸也。癆蟲之形。或似蛻螂。或似紅絲馬尾。或似蝦蟆。或似鞠麩。或有足無頭。或有頭無足。或化精血歸於元氣之內。若傳至三人者。其蟲靈怪不可治。凡用藥治蟲。勿令病者知之。恐蟲覺。悞難取下也。

夫癆蟲何由而生哉。木必先腐。而後蟲生之。人身亦必先有瘀血。虛熱鬱蒸。乃生癆蟲。蟲者風木之氣所化。人身肝主風。木又主藏血。肝臟之血。若有瘀積。是猶木之先腐也。於是肝臟之風氣鬱遏。蒸燔。將瘀血化生爲蟲。既化爲蟲。卽從蟲治之。宜天靈

蓋散治之。然天靈蓋不易得。且不宜用。可用川椒代之。或金蟾丸亦可。余每用乾漆、明雄、川椒、練根皮、白頸蚯蚓、升麻、鬱金、共爲末。白湯五更時服。其蟲不吐。即下。義固取於殺蟲。而尤在乾漆、鬱金兼治瘀血。以癆蟲是瘀血所化。殺蟲是治其標。去瘀是治其本也。諸書但言殺蟲。而不知蟲之所自生。宜乎未得其治也。吾爲指出癆蟲是瘀血所化。治瘀血是治其本也。辨證錄用移尸滅怪湯治癆蟲傳尸方。以去瘀爲主。故效。癆蟲之生。由瘀血所化。而癆蟲既生。蝕人精血。人之正氣。日以消耗。不治。其虛。但殺其蟲。病終不能愈也。月華丸主之。義取補虛。而去瘀殺蟲。兼施其治。乃萬全之策。鰻魚肉常食亦佳。或鰻

魚骨、鼈甲、知母、山茱萸、柴胡、當歸、青黛、桃梟爲丸。人參湯下亦
攻補兼行之術。

又凡濕熱積痰皆能生蟲。與小兒疳蟲無異。用金蟾丸即愈。不
比血化之蟲。靈怪難治也。

既殺蟲後。但當滋補其虛。陰虛者十居八九。瓊玉膏主之。加黃
柏、知母、紫河車更佳。陽虛者十之二三。六君子湯主之。

欬嗽

雜病欬嗽。另有方書可查。未及備論。茲所論者。虛癆失血之欬
嗽也。失血家十有九欬。所以然者。肺爲華蓋。肺中常有津液。則
肺葉腴潤。覆垂向下。將氣斂抑。使其氣下行。氣下則津液隨之。

而降。故水津四布。水道通調。肝氣不逆。腎氣不浮。自無欬嗽之病。血者火化之陰汁。津者氣化之水液。二者相濟相養。水不濟火。則血傷。血不養氣。則水竭。水竭則津不潤。肺血傷則火來剋金。金被火剋。不能行其制節。於是在下之氣。始得逆上。氣既逆上。則水津不能隨氣下布。凝結爲痰。在下之水邪。又得隨氣而升。泛爲水飲。皆致咳嗽。吾於欬血門已詳論之。茲復條列如左。

一肺臟津虛。火氣乘之。致成燥欬。氣喘痰澀。或帶血絲。久成肺痿。清燥救肺湯治之。

一痰火凝結。欬逆發渴。喉中痰滯者。由於津液不散。阻塞氣道。治宜清利其痰。滋養其津。紫菀散主之。

一水飲沖肺欬逆倚息不得臥者。由於失血之入肝經風火太盛。激動其水。上衝肺臥。則肺葉張。水飲愈衝。是以不得臥息。葶大棗瀉肺湯治之。吾每用二陳湯治飲。加蘇子、柴胡、白芥子、黃芩、石膏、杏仁、荆芥、薄荷、枇杷葉。風火兼治。尤效。此與雜病欬嗽。因寒動水者有異。因寒動水。以致水飲衝肺者。宜小青龍及真武湯。血證欬嗽。多是內動風火。激水而上。青龍、真武等。又其所忌醫者辨之。

夫虛癆欬嗽。原於火剋金。水乘肺。而切究其故。則病皆在於胃。胃爲水穀之海。化生津血。血不足則火旺。津不生則肺燥。水氣不化。則飲邪上干。治胃火宜白虎湯。加生地、百合、五味子。或玉

女煎治胃痰。宜滾痰丸。指迷茯苓丸。輕者用豁痰丸。治胃中水飲。宜二陳湯。加蘇子、白芥子、防己、枳殼、杏仁、生薑。若水飲挾火者。加柴胡、黃芩、當歸、白芍。

內經云。五臟六腑。皆有欬嗽。而無不聚於胃。關於肺。上條分肺胃治已詳。茲有一方。可以統治肺胃者。則莫如小柴胡湯。肺火盛。加麥冬。心火盛。加黃連。當歸。肝火盛。加當歸。胡黃連。黃昏欬嗽。爲火浮於肺。加五倍子。五味子。以斂之。五更欬嗽。爲食積之火。至寅時流入肺經。加萊菔子。痰凝氣滯者。加瓜蒌。霜旋覆花。杏仁。桔梗。射干。川貝母。水飲上衝者。加葶藶子。桑白皮。細辛。五味子。有寒。加乾薑。雲茯苓。若兼外感。發熱惡寒。鼻塞頭痛。而欬

嗽者。宜小柴胡湯。加荆芥。紫蘇。杏仁。薄荷。蓋小柴胡能通水津。散鬱火。升清降濁。左宜右有。加減合法。則曲盡其妙。

又有瘀血作欬。其證欬逆倚息而不能臥。與水飲衝肺之證相似。蓋人身氣道不可有塞滯。內有瘀血。則阻礙氣道。不得升降。是以壅而爲欬。氣壅卽水壅。氣卽是水故也。水壅卽爲痰飲。痰飲爲瘀血所阻。則益衝犯肺經。坐立則肺覆。瘀血亦下墜。其氣道尙無大礙。故欬亦不甚。臥則瘀血翻轉。更爲阻塞。肺葉又張。愈難斂戢。是以倚息不得臥也。若仍照水飲衝肺。用葶藶大棗湯。是得治飲之法。而未得治瘀之法矣。須知痰水之壅。由瘀血使然。但去瘀血。則痰水自消。宜代抵當丸。加雲茯苓。法半夏。輕

則用血府逐瘀湯加葶蘇子。又有欬嗽側臥一邊翻身則欬益甚者。諸書皆言側臥一邊乃失血欬嗽不治之證。而不知仍是瘀血爲病。蓋瘀血偏著一邊。以一邊氣道通。一邊氣道塞。氣道通之半邊。可以側臥。氣道塞之半邊。側臥則更閉塞。是以翻身則愈加欬逆也。宜血府逐瘀湯加杏仁五味子。主之側臥左邊者。以左邊有瘀血。故不得右臥也。右臥則瘀血翻動。益加壅塞。宜加青皮鼈甲莪朮。以去左邊之瘀血。側臥右邊者。以右邊有瘀血。故不得左臥也。宜加鬱金桑皮薑黃。以去右邊之瘀血。凡此瘀血欬嗽之證。諸書少言及者。朱丹溪略引其端。亦未申明。吾於臨證有悟。不惜大聲疾呼者。正欲起死人而肉白骨。豈

敢秘而不傳哉。

又有衝氣欬逆者。以衝脈起於血海。循行而上。麗於陽明。血海受傷。則衝脈氣逆。上合陽明。而爲火逆燥欬之證。麥門冬湯主之。玉女煎亦治之。二方皆從陽明以抑衝氣之顛。使不逆也。

又有衝氣挾肝經相火。上乘肺金者。其證目眩。口苦。噎欬。數十聲不止。欬牽小腹作痛。發熱。頰赤。宜四物湯合左金丸。再加工尿豬膽汁。牡蠣五味治之。蓋血室爲肝之所司。衝脈起於血室。故肝經之火。得緣衝氣而上。小柴胡湯加五味子。青皮。龍骨。牡蠣。丹皮。地骨皮。亦治之。重者加胡黃連。

衝脈本屬肝經。然其標在陽明。而其根則在於腎。蓋衝脈起胞

中而腎氣即寄在胞中腎中之氣上於肺而爲呼吸亦借衝脈之路以上循入肺是以躋旁衝脈之穴謂之氣街內經又明言衝爲氣街衝脈之與腎經交合者如是是以衝脈每挾腎中之虛火上逆而欬喘促咽乾兩顴發赤宜猪苓湯加五味子知母牛膠黃柏熟地龜版或麥味地黃湯以安之三才湯加鐵落以顛之或大補陰丸合磁硃丸加五味以吸衝氣使歸於腎則不欬逆矣又有胞中之水內動衝氣挾水上逆而欬者其證上熱下寒龍雷火升面赤浮腫頭暈咽痛發熱心悸大便反滑腰痛遺溺桂苓甘草五味湯治之腎氣丸亦治之參看吐血欬血門更詳。

欬嗽之病。其標在肺。其本在腎。血家欬嗽。尤多生於腎虛。腎者氣之根也。腎經陰虛。則陽無所附。氣不歸根。故浮喘欬逆。宜三才湯。加五味子。沉香。陳脩園用二加龍骨牡蠣湯。加阿膠。麥冬。五味子。其附子須少用。只作引導耳。余每用知柏地黃湯。少加五味子。肉桂。以爲報使。常服都氣丸亦佳。又有腎經陽虛。不能化水。腰痛便短。氣喘欬逆者。腎氣丸加五味治之。更有腎水泛上。脾土不制。而爲水飲。欬嗽者。乃屬五飲雜病。非失血家應有之證。自有各書可查。茲不贅及。

發熱

吐血家。脉靜身涼。不藥可愈。以陰雖虧而陽猶不亢。陰與陽尙

火鬱者泄

瘀血者泄

得其和。故易愈也。或身有微熱。皮毛似汗。此爲陽來求陰。水來就血。亦可自愈。所謂發熱者。與身有微熱不同。

失血家。陽氣鬱於血分之中。則身熱鬱冒。但頭汗出。身熱者。火閉於內。而不得達於外故也。但頭汗出者。火性炎上。外有所束。則火不能四達。故愈炎上。而頭汗也。治法宜解其鬱。使徧身微汗。則氣達於外。而陽不乘陰。熱止血亦治矣。此如盛暑過熱。得雨而解。小柴胡湯主之。

又有瘀血發熱者。瘀血在肌肉。則翁翁發熱。證象白虎。口渴心煩。支體刺痛。宜當歸補血湯。合甲己化土湯。加桃仁紅花柴胡。防風知母石膏。血府逐瘀湯亦治之。瘀血在肌腠。則寒熱往來。

以肌腠爲半表半裡。內陰外陽。互相勝復也。宜小柴胡湯。加當歸、白芍、丹皮、桃仁、荊芥、紅花治之。桃奴散加黃芩、柴胡亦治之。瘀血在腑。則血室主之。證見日晡潮熱。晝日明了。暮則譫語。以衝爲血海。其脈麗於陽明。故肖陽明燥熱之證。桃仁承氣湯治之。小柴胡湯加桃仁、丹皮、白芍亦治之。瘀血在臟。則肝主之。以肝司血故也。證見骨蒸癆熱。手足心燒。眼目青黑。毛髮摧折。世以爲難治之證。而不知瘀血在肝臟使然。宜柴胡清骨散加桃奴、琥珀、乾漆、丹皮治之。

以上所論皆屬血家發熱之實證也。又有發熱之虛證。分血虛水虛兩類。另條如左。血虛者發熱汗出。以血不配氣。則氣盛而

血虛發熱

水虛發熱

陰虛陽浮發熱

外泄也。或夜則發熱。以夜主血分故也。或寅卯時即發熱。以寅卯屬少陽。肝血既虛。則少陽之相火當寅卯旺時而發熱。地骨皮散加柴胡、青蒿、胡黃連、雲茯苓、甘草治之。又或胞中之火。因血不足。上合陽明燥氣。日晡潮熱者。犀角地黃湯治之。

水虛者。水爲氣之所化。水津不足。則氣熱。皮毛枯燥。口咽生陰。遺精淋瀝。午後發熱。大補陰丸以補水。濟火。或清燥救肺湯。從肺胃以生水津。水足以濡血。則陽氣不亢。燥熱自除。五蒸湯亦統治之。

復有陰虛於內。陽浮於外。而發熱者。須大補其陰。而復納其陽。故產後發熱。用四物湯加黑薑。失血發熱。亦可用之。火重者。再

血證論
加芩連。若腎陰不足。眞陽外浮。發熱喘促者。是爲陰不戀陽。陽不入陰。宜從陰引陽。用二加龍骨湯。加五味子、麥門冬、阿膠。或三才湯。加鹽炒肉桂少許、桑葉、雲苓、白芍、蟲草、山茱萸、牛膝、五味子、知母、沉香、龜版。此外又有食積發熱者。手足心腹熱。胸滿臑呃。大便不調。日晡及夜發煩。宜枳殼、厚朴、大黃消去之。則不壅熱矣。勿謂虛人無實證也。

厥冷

雜病四肢厥冷。爲脾腎陽虛。不能達於四末。四逆湯主之。若失血之人。而亦間有發厥者。則多是熱邪內陷。伏匿在裡。外見假寒。身如冷水。目昏神暗。脈伏不見。或冷一陣。反而發熱。或厥數。